



**CONVENIO DE COLABORACIÓN ENTRE A UNIVERSIDADE DA CORUÑA E  
O COLEXIO OFICIAL DE ARQUITECTOS DE GALICIA PARA A XESTIÓN  
DELEGADA DE SERVIZOS CIENTÍFICOS, TÉCNICOS, ARTÍSTICOS OU  
DOCENTES (ART. 83 LOU)**

**REUNIDOS**

Dunha parte, D. Xosé Luís Armesto Barbeito, Reitor Magnífico da Universidade da Coruña, con enderezo social na rúa Maestranza 9 da Coruña e con CIF Q-6550005J, en nome e en representación da citada institución, no uso das atribucións que lle confire o art. 36.1.f) dos Estatutos desta universidade, aprobados polo Decreto 101/2004, do 13 de maio, da Xunta de Galicia (DOG do 26 de maio), modificado polo Decreto 194/2007 do 11 de outubro, polo que se lle outorga ao reitor a facultade para asinar convenios en nome da Universidade.

Doutra parte, o Colexio Oficial de Arquitectos de Galicia (en diante, COAG), co CIF Q-1575005B, domicilio social en Federico Tapia n.º 64, 15005 A Coruña, e no seu nome e representación o seu presidente, Antonio Maroño Cal.

Ambas as entidades recoñécense a súa respectiva personalidade, capacidade e competencia para outorgar o presente convenio, e para tal efecto:

**EXPOÑEN**

**PRIMEIRO.-** Que o capítulo V da Lei 2/2011, da economía sostible, e a Lei 14/2011, do 1 de xuño, da ciencia, a tecnoloxía e a innovación constitúen o novo marco legal de referencia para o impulso da investigación científica e técnica e a innovación, coa finalidade de ofrecer solucións axeitadas á consecución dunha economía sustentable, baseada no coñecemento e a innovación.

Que a UDC, como servizo público de ensino superior, ten entre os seus fins prioritarios o de còlaborar coa sociedade na consecución do anterior, a través da calidade docente e investigadora, tal e como prevé o artigo 1 da Lei orgánica de universidades (LOU) e o artigo 1 do seus Estatutos.

Que a UDC está interesada en promover e desenvolver actividades académicas, científicas e de transferencia tecnolóxica coa súa contorna.

**SEGUNDO.-** Que a Escola Técnica Superior de Arquitectura, integrada na Universidade da Coruña desde a súa creación en 1989, vén formando profesionais arquitectos da más alta cualificación desde os anos setenta, así como transferindo coñecemento avanzado sobre arquitectura no noso país aos distintos axentes produtivos.



**TERCEIRO.-** Que, como froito dos intereses comúns no impulso da arquitectura en Galicia, a UDC e o COAG, corporación de dereito público que canaliza os intereses profesionais comúns dos arquitectos, asinaron con data 15 de abril de 1991 un convenio de colaboración para a xestión conxunta das actividades relativas aos contratos establecidos ao abeiro do artigo 11 da Lei de reforma universitaria de 1983 e 75 das normas estatutarias provisionais da UDC.

**CUARTO.-** O marco de colaboración establecido por este convenio estendeu a súa vixencia até o momento actual, dando bos resultados para todas as partes.

Porén, o novo marco regulador integrado pola Lei orgánica 4/2007, do 12 de abril, de modificación parcial da Lei orgánica de universidades, a Lei 2/2011, da economía sostible, a Lei 14/2011, do 1 de xuño, da ciencia, a tecnoloxía e a innovación, así como o novo Plan de financiamento do sistema universitario galego, levou a impulsar un novo regulamento de contratación das actividades previstas no artigo 83 da LOU. Deste xeito, o Consello Social na súa sesión do 18 de xullo aprobou o Regulamento para a contratación de servizos científicos, técnicos, artísticos ou docentes (art. 83 da LOU), que foi publicado no DOG n.º 166, do 31 de agosto de 2012, posteriormente modificado e refundido no DOG n.º 187, do 1 de outubro de 2013.

No artigo 21.2 do Regulamento dispone que:

A persoa responsable da execución do contrato poderá optar pola encomenda da xestión económica deste a medios propios e instrumentais da UDC ou a aquellas entidades sen ánimo de lucro con que mantiver un convenio específico de colaboración a UDC, ao abeiro do artigo 83 da LOU. A devandita encomenda non suporá en ningún caso a cesión da titularidade da competencia de contratación ou dos elementos substantivos do seu exercicio. Será responsabilidade da UDC ditar cantos actos ou resolucións de carácter xurídico que dan soporte á concreta actividade material obxecto da encomenda ou en que esta se integrar. Con todo, nestes casos a facturación será realizada pola entidade colaboradora.

Por todo o exposto, e para adaptar o citado convenio de 1991 ao novo regulamento de contratación de servizos científicos, técnicos, artísticos ou docentes (art. 83 da LOU), as partes subscreiben o presente convenio específico de colaboración, de acordo coas seguintes:

## CLÁUSULAS

### **PRIMEIRA.- Obxecto**

É obxecto do presente convenio a regulación da xestión delegada por parte do COAG dos contratos subscritos por persoal docente e investigador (PDI) arquitecto da UDC ao abeiro do artigo 83 da LOU e do Regulamento para a contratación de servizos científicos, técnicos, artísticos ou docentes da Universidade da Coruña (DOG n.º 187, do 1 de outubro de 2013), en diante o Regulamento.



## SEGUNDA.- Encomenda de xestión

O profesorado arquitecto da Escola Técnica Superior de Arquitectura da UDC que sexa responsable da execución de contratos asinados ao abeiro do artigo 83 da LOU, poderán encomendar a súa xestión económica ao COAG nos termos previstos polo artigo 21 do Regulamento.

Así mesmo, o COAG poderá impulsar e asinar, por delegación da universidade, contratos ao abeiro do artigo 83 da LOU, sempre que a súa execución sexa encomendada a PDI da UDC que teña a condición de arquitecto colexiado, conte con autorización previa da vicerreitoría competente en investigación e transferencia, e cumpra as condicións regulamentarias do COAG. O réxime xurídico desta delegación será o previsto no artigo 21.2 do Regulamento.

## TERCEIRA.- Obrigas do COAG

1. Naqueles contratos do art. 83 da LOU cuxa xestión o investigador principal e responsable da execución delegue no COAG, este deberá:

- a) Aceptar a encomenda de xestión, logo da comprobación da existencia de autorización da vicerreitoría competente en investigación e transferencia, sen asumir a obriga de realizar ningunha subcontratación.
- b) Realizar a facturación das cantidades recollidas no contrato nos termos previstos por este, de conformidade coas ordes que reciba do investigador principal. Aos importes facturados aplicárselles o tipo de IVE que corresponder no momento da devindicación da operación. O COAG farase cargo da liquidación tributaria deste imposto de conformidade coa normativa vixente aplicando o “criterio de caixa”.
- c) Liquidar e transferirlle á UDC, como mínimo, o 8% do orzamento liquidable dos contratos (IVE excluído) que xestione a favor da conta corrente da UDC, podendo reter para si outro 5% do devandito orzamento, en concepto de gastos. A comisión de seguimento fixará a porcentaxe do orzamento liquidable sobre o total atendendo aos custos especiais de seguro, visado e traballos alleos. Sempre que se prevea no contrato, poderá admitirse a liquidación dunha parte da primeira cantidade mediante a achega de investimentos reais inventariables ou destinada á Escola Técnica Superior de Arquitectura.
- d) O COAG informará en tempo real á Oficina de Transferencia de Resultados de Investigación (OTRI) da UDC, a través da aplicación informática subministrada pola UDC para tal efecto, toda a documentación relativa aos contratos e convenios en que participe persoal da UDC, incluíndo o detalle da retribución total feita efectiva en concepto de custo de persoal a membros da UDC.



- e) Cando o encargo proceda dunha administración pública, unha vez visado o traballo, e cando así o solicite o arquitecto profesor, o COAG poderá proceder ao seu despacho sen necesidade de liquidación previa, sempre que se presente certificación de consignación orzamentaria bastante para o seu aboamento, expedida por funcionario competente e se aboen os dereitos de visado.
  - f) Os traballos causa dos referidos contratos serán presentados ao visado do COAG, conforme ás normas que rexan para tal efecto.
  - g) En xeral, cumplir calquera das outras obrigas contidas no Regulamento.
2. Naqueles contratos do artigo 83 impulsados e asinados polo COAG, por delegación da universidade, o COAG deberá cumplir con todas as obrigas previstas na alínea 1 da presente cláusula.

#### **CUARTA.- Responsabilidades**

A encomenda da xestión destes contratos ao COAG non implica relación laboral ou contractual entre os investigadores da UDC que os executan e o COAG, nin deriva responsabilidade civil para o Colexio por mala praxe arquitectónica. Exclusivamente, o COAG responderá dos danos e perdidas que cause á Universidade por negligencia grave na xestión económica do contrato.

Para asegurar a responsabilidade civil en que poidan incorrer os membros do equipo de traballo, os integrantes deste deberán concertar os correspondentes seguros de responsabilidade civil adaptados ás especificidades das actividades dos arquitectos, tanto en duración como en contía.

#### **QUINTA.- Réxime específico da contratación de actividades docentes ou de especialización**

O COAG poderá promover contratos de actividades docentes, formativas e de especialización impartidas polo persoal da UDC co propio Colexio con outras entidades públicas ou privadas, nos termos previstos polo artigo 8 do Regulamento.

#### **SEXTA- Interpretación, seguimento e resolución de conflictos**

As cuestións litixiosas xurdidas verbo da interpretación, modificación, resolución e efectos do presente convenio serán resoltas de mutuo acordo polas partes na comisión mixta de seguimento. Esta comisión estará integrada por tres representantes da UDC e dous representantes do COAG, designados polos correspondentes órganos de goberno de ambas as entidades. No caso dos representantes da UDC, polo menos un será proposto polo equipo de dirección da Escola Técnica Superior de Arquitectura.



En defecto de acordo entre as partes, as discrepancias xurdidas serán resoltas mediante arbitaxe, nos termos previstos na Lei 60/2003, do 23 de decembro, de arbitaxe.

#### SÉTIMA.- Vixencia

Quedan derrogadas todas as cláusulas do convenio de colaboración dò 15 de abril de 1991 que se oponan ao establecido no presente convenio.

A duración do presente convenio será de tres anos, e renovarase automaticamente por períodos anuais sucesivos mentres non for denunciado por algunha das partes, que o comunicará á outra por escrito e con, cando menos, un mes de antelación á data de renovación.

No seu caso, a denuncia do presente convenio non impedirá rematar os contratos específicos que estivesen sendo executados.

En proba de conformidade, assínase o presente documento en todas as súas follas, en exemplar triplicado e para un só e idéntico efecto, no lugar e data que a seguir se indican.

A Coruña, 13 de novembro de 2015

O reitor da  
Universidade da Coruña

Xosé Luís Armesto Barbeito

O presidente do  
Colexio Oficial de Arquitectos de Galicia

Antonio Maroño Cal